



Broj : 10-37-2007-3/20  
Sarajevo, 01.10.2020. godine

Na osnovu člana 15. Zakona o odbrani Bosne i Hercegovine ("Službeni glasnik BiH", broj: 88/05), člana 61. Zakona o upravi ("Službeni glasnik BiH", broj: 32/02, 102/09 i 72/17), člana 13. stav (2) Zakona o ravnopravnosti spolova u BiH ("Službeni glasnik BiH", broj:32/10), a u skladu sa Zaključcima VM BiH sa sjednice održane 15.10.2019. godine, **d o n o s i m**,

**O D L U K U**  
**o politici nulte tolerancije**  
**prema djelima seksualnog uznemiravanja i uznemiravanja na osnovu spola**

**Član 1.**

Ovom Odlukom Ministarstvo odbrane Bosne i Hercegovine se opredjeljuje da osigura radnu sredinu bez seksualnog uznemiravanja i uznemiravanja na osnovu spola za sve osobe.

**Član 2.**

- (1) Niko nema pravo da seksualno uznemirava ili uznemirava na osnovu spola bilo koju osobu na radnom mjestu i u vezi sa radom.
- (2) Navedeno se posebno odnosi na:
  - Pravo na radnu sredinu bez seksualnog uznemiravanja i uznemiravanja na osnovu spola;
  - Obavezu reagovanja kada su druge osobe žrtve seksualnog uznemiravanja i uznemiravanja na osnovu spola;
  - Obavezu prijavljivanja seksualnog uznemiravanja i uznemiravanja na osnovu spola;
  - Pravo na povjerljivost podataka disciplinskog postupka.

**Član 3.**

- (1) Seksualno uznemiravanje ili uznemiravanje na osnovu spola su zabranjeni zakonima Bosne i Hercegovine.
- (2) Ovi propisi su utvrđeni da seksualno uznemiravanje i uznemiravanje na osnovu spola postoji kada se radi o ponašanju koje je:
  - Neželjeno;
  - verbalno, neverbalno ili fizičko ponašanje;
  - seksualne prirode ili na osnovu spola;
  - zastrašujuće, neprijateljsko, degradirajuće, ponižavajuće ili uvredljivo ili kojim se postiže takav učinak.

#### **Član 4.**

Svako ima pravo da podnese zahtjev/prijavu za pokretanje disciplinskog postupka ukoliko smatra da je seksualno uznemiravan i uznemiravan na osnovu spola.

#### **Član 5.**

Organizacione jedinice MO BiH i ZŠ OS BiH će poduzeti sve mjere utvrđene pozitivnim propisima kako bi se ispitale sve okolnosti vezane za seksualno uznemiravanje i uznemiravanje na osnovu spola na rad u i radnim odnosima te će osigurati da osoba koja prijavi ova djela neće trpiti posljedice zbog te činjenice.

#### **Član 6.**

Za realizaciju ove Odluke odgovorni su načelnik Zajedničkog štaba Oružanih snaga BiH i rukovodioci organizacijskih jedinica Ministarstva odbrane BiH.

#### **Član 7.**

Ova Odluka stupa na snagu danom donošenja. i biće objavljena na oglasnoj tabli Ministarstva odbrane Bosne i Hercegovine, oglasnoj tabli ZŠ OS BiH, oglasnim tablama komandi i jedinica OS BiH, te na službenoj internet stranici Ministarstva odbrane Bosne i Hercegovine i službenoj internet stranici OS BiH.

Dostavljeno:

- *ZŠ OS BiH,*
- *Organizacione jedinice MO BiH,*
- *Oglasne table MO i OS BiH,*
- *a/a*

**MINISTAR**

**Dr. Sifet Podžić**